

# CYDBWYLLGOR LLYWODRAETHU PARTNERIAETH PENSIWN CYMRU

Dydd Iau, 10 Rhagfyr 2020

**YN BRESENNOL:** Y Cynghorydd G. Caron (Cadeirydd)

## **Cynghorwyr:**

P. Lewis, C. Lloyd, M. Norris, T. Palmer, J. Pughe Roberts, C. Weaver, a D.E. Williams.

## **Roedd y swyddogion a ganlyn yn bresennol:**

C. Moore, Swyddog Adran 151 y Cydbwyllgor (Cyngor Sir Gâr)  
L.R. Jones, Swyddog Monitro'r Cydbwyllgor (Cyngor Sir Gâr)  
N. Aurelius, Prif Weithredwr Cynorthwyol - Adnoddau (Cyngor Sir Torfaen)  
B. Davies, Cyfarwyddwr Gwasanaethau Ariannol (Rhondda Cynon Taf)  
J. Dong, Dirprwy Swyddog A151 / Prif Swyddog Ariannol (Dinas a Sir Abertawe)  
D. Edwards, Prif Swyddog Cyllid (CG)  
C. Hurst, Rheolwr y Gronfa Bensiynau (Cyngor Sir Powys)  
C. Lee, Cyfarwyddwr Corfforaethol Adnoddau (Cyngor Dinas Caerdydd)  
D. Fielder, Dirprwy Bennaeth Cronfa Bensiynau Clwyd (Cyngor Sir y Fflint)  
A. Parnell, Rheolwr Trysorlys a Buddsoddi Pensiwn (Cyngor Sir Gâr)  
T. Williams, Uwch Swyddog Gwasanaethau Ariannol (Cyngor Sir Gâr)  
M. Evans Thomas, Prif Swyddog Gwasanaethau Democrataidd (Cyngor Sir Gâr)  
J. Laimann, Swyddog Gwasanaethau Democrataidd Cynorthwyol (Cyngor Sir Gâr)

## **Hefyd wrth law fel sylwedyddion:**

D. Jones-Thomas, Rheolwr Buddsoddi (Cyngor Gwynedd)  
Y. Keitch, Prif Gyfrifydd (Rhondda Cynon Taf)  
K. Cobb, Uwch Gyfrifydd (Dinas a Sir Abertawe)  
A. Bull, Rheolwr Buddsoddiadau Pensiwn (Cyngor Sir Torfaen)

## **Hefyd yn bresennol:**

A. Tookey, Link Fund Solutions  
R. Thornton, Link Fund Solutions  
K. Midl, Link Fund Solutions  
J. Leggate, Russell Investments  
S. Mandich, Russell Investments  
T. Paik, Russell investments  
F. Hope, Hymans Robertson  
J. Wright, Hymans Robertson  
C. Manser, BlackRock  
J. Tait, BlackRock  
K. Haynes, BlackRock

**Remote attendance - 10.25 yb - 12.35 yp**

## **1. YMDDIHEURIADAU AM ABSENOLDEB A MATERION ERAILL**

Cafwyd ymddiheuriadau gan y Cynghorydd Peredur Jenkins.



Hysbyswyd y Cydbwyllgor Llywodraethu y penodwyd y Cynghorydd Peredur Jenkins yn lle'r Cynghorydd John Pughe Roberts a diolchwyd i'r Cynghorydd Pughe Roberts am ei gyfraniadau. Gan fod y Cynghorydd Jenkins wedi anfon ei ymddiheuriadau ar gyfer cyfarfod heddiw, roedd y Cynghorydd Pughe Roberts yn mynychu'r cyfarfod fel ei ddirprwy.

Croesawodd y Cydbwyllgor y Cynghorydd Ted Palmer i'w gyfarfod cyntaf o'r Cydbwyllgor Llywodraethu. Dywedodd y Cadeirydd fod y Cynghorydd Palmer wedi ymuno â'r Cydbwyllgor Llywodraethu yn gynharach eleni ond nad oedd wedi medru mynychu'r cyfarfod diwethaf.

Llongyfarchodd y Cadeirydd bawb oedd ynghlwm â Phartneriaeth Pensiynau Cymru (PPC) am ennill gwobr Arloesedd yng Ngwobrau Buddsoddi 2020 Fforwm Cronfeydd Pensiwn yr Awdurdodau Lleol (*LAPF*), oedd yn cydnabod fod PPC wedi gwneud cam sylweddol o ran arloesi, gan fabwysiadu fframwaith "Gweithredu Portffolio Manylach" (EPI) o fewn ei gronfeydd ecwiti.

## 2. DATGANIADAU O FUNDDIANT

|             |   |
|-------------|---|
| G. Caron    | Aelod o Gronfa Bensiynau Gwent Fwyaf;<br>Ei wraig yn aelod gohiriedig o Gronfa Bensiwn Gwent Fwyaf;<br>Ei fab yng nghyfraith yn aelod o Gronfa Bensiwn Gwent Fwyaf; |
| P. Lewis    | Aelod o Gronfa Bensiwn Powys;   |
| C. Lloyd    | Aelod o Gronfa Bensiwn Dinas a Sir Abertawe;  |
| M. Norris   | Aelod o Gronfa Bensiwn Rhondda Cynon Taf;   |
| E. Williams | Aelod o Gronfa Bensiwn Dyfed.   |

[Noder: Mae eithriad yng Nghod Ymddygiad yr Aelodau sy'n galluogi aelod sydd wedi'i benodi neu'i enwebu i gorff perthnasol gan ei awdurdod i ddatgan y buddiant hwnnw ond i aros a chymryd rhan yn y cyfarfod.]

## 3. LLOFNODI YN COFNOD CYWIR COFNODION Y CYFARFOD A GYNHALIWYD AR 11 MEDI 2020

**PENDERFYNWYD** Ilofnodi cofnodion cyfarfod y Cydbwyllgor Llywodraethu a gynhaliwyd ar 11 Medi 2020 fel cofnod cywir.

## 4. DIWEDDARIAD GAN YR AWDURDOD LLETYA

Derbyniodd y Cydbwyllgor y wybodaeth ddiweddaraf ynglŷn â'r cynnydd a wnaed yn y meysydd allweddol a ganlyn:

- Llywodraethu;
- Sefydlu parhaus;



- Gwasanaethau gweithredwr;
- Cyfathrebu ac adrodd;
- Hyfforddiant a chyfarfodydd; ac
- Adnoddau, cyllideb a ffioedd.

Mewn ymateb i ymholiad, hysbyswyd y Cydbwyllgor fod trafodaethau cychwynnol ar adolygu contract y Gweithredwr wedi cael eu cynnal ac y byddai amserlen yn cael ei chyflwyno i'r cyfarfod nesaf.

**PENDERFYNWYD derbyn y wybodaeth ddiweddaraf gan yr Awdurdod Lletya.**

## **5. COFRESTR RISG Ch4 ADOLYGIAD 2020**

Cyflwynwyd adroddiad i'r Cydbwyllgor ar Adolygiad Cofrestr Risg Ch4. Dywedwyd y cymeradwywyd y Gofrestr Risg cychwynnol gan y CBLI ar 17 Gorffennaf 2020 ac roedd is-grŵp Cofrestr Risg y Gweithgor Swyddogion yn adolygu'r Gofrestr Risg pob chwarter. Roedd y prif newidiadau a welwyd yn yr adolygiad cyntaf yn ymwneud yn bennaf â'r adran Buddsoddi a Pherfformiad.

Mewn ymateb i ymholiad ar wasanaethau'r Gweithredwr (Risg G.12), hysbyswyd y Cydbwyllgor fod trafodaethau cychwynnol yn awgrymu nad oedd y risg yn berthnasol i PPC ac y byddai'r Cydbwyllgor yn derbyn mwy o ddiweddariadau.

**PENDERFYNWYD cymeradwyo'r addasiadau i'r Gofrestr Risg.**

## **6. ADOLYGIADAU POLISI BLYNYDDOL**

Cyflwynwyd adroddiad i'r Cydbwyllgor ar Adolygiadau Polisi Blynyddol y Datganiad Credoau a'r Matrics Llywodraethu. Hysbyswyd y Cydbwyllgor fod y Datganiad Credoau a'r Matrics Llywodraethu presennol wedi cael eu cymeradwyo ym mis Rhagfyr 2019. Roedd y Gweithgor Swyddogion (GS) wedi cynnal adolygiad blynyddol o'r polisiau hyn ac wedi gwneud addasiadau.

**PENDERFYNWYD cymeradwyo y Datganiad Credoau a'r Matrics Llywodraethu wedi'u diweddarau.**

## **7. ADOLYGU'R POLISI BUDDSODDI CYFRIFOL A DIWEDDARIAD AR GYNNYDD**

Cyflwynwyd adroddiad i'r Cydbwyllgor ar Adolygu'r Polisi Buddsoddi Cyfrifol a Diweddariad Cynnydd Blynyddol. Dywedwyd fod y Polisi Buddsoddi Cyfrifol (BC) wedi cael ei gymeradwyo ym mis Medi 2019. Roedd y Gweithgor Swyddogion (GS) wedi cynnal adolygiad blynyddol o'r polisi BC ac wedi gwneud addasiadau i adlewyrchu'r datblygiadau yn y 12 mis diwethaf.

Roedd diweddariad blynyddol ar gynnydd wedi'i gynnwys fel atodiad i'r Polisi BC, oedd yn rhoi asesiad manwl o'r cynnydd a gafwyd mewn sawl maes allweddol, yn cynnwys Hinsawdd Risg, Pleidleisio ac Ymgysylltu, Hyfforddiant ac Ymgynghori, ffurfio'r Is-grŵp BC a'r cynllun gwaith BC am y 12 mis nesaf.



Gwnaed awgrymiad y gallai fod yn fuddiol cael cynrychiolaeth wleidyddol ar yr Is-grŵp. Dywedodd Swyddog Adran 151 y Cyd-bwyllgor y gallai fod yn bosibl ystyried rhoi aelodau Arweiniol yn eu lle ar gyfer meysydd gwaith penodol y gellid ymgynghori â hwy ar feysydd gwasanaeth pwrpasol, ond byddai angen ystyried hyn ymhellach.

#### **PENDERFYNWYD**

- 7.1. Cymeradwyo'r Polisi Buddsoddi Cyfrifol sydd wedi'i ddiweddarau;**
- 7.2. Nodi'r Diweddariad Cynnydd Blynyddol, yn cynnwys sefydlu Is-grŵp Buddsoddi Cyfrifol PPC.**

### **8. POLISI HYFFORDDIANT**

Cyflwynwyd adroddiad i'r Cydbwyllgor ar Adolygu'r Polisi Buddsoddi Cyfrifol a Diweddariad Cynnydd Blynyddol. Dywedwyd fod y Polisi Buddsoddi Cyfrifol (BC) wedi cael ei gymeradwyo ym mis Medi 2019. Roedd y Gweithgor Swyddogion (GS) wedi cynnal adolygiad blynyddol o'r polisi BC ac wedi gwneud addasiadau i adlewyrchu'r datblygiadau yn y 12 mis diwethaf.

Roedd diweddariad blynyddol ar gynnydd wedi'i gynnwys fel atodiad i'r Polisi BC, oedd yn rhoi asesiad manwl o'r cynnydd a gafwyd mewn sawl maes allweddol, yn cynnwys Hinsawdd Risg, Pleidleisio ac Ymgysylltu, Hyfforddiant ac Ymgynghori, ffurfio'r Is-grŵp BC a'r cynllun gwaith BC am y 12 mis nesaf.

Wrth ateb ymholiad, hysbyswyd y Cydbwyllgor y gellid ystyried cynrychiolaeth wleidyddol ar is-grwpiau BC, er enghraifft, wrth enwebu Aelodau Arweiniol Cydbwyllgor ar bynciau penodol.

#### **PENDERFYNWYD**

- 7.1. Cymeradwyo'r Polisi Buddsoddi Cyfrifol sydd wedi'i ddiweddarau;**
- 7.2. Nodi'r Diweddariad Cynnydd Blynyddol, yn cynnwys sefydlu Is-grŵp Buddsoddi Cyfrifol PPC.**

### **9. POLISI PLEIDLEISIO**

Cyflwynwyd adroddiad i'r Cydbwyllgor ar y Polisi Pleidleisio. Hysbyswyd y Cydbwyllgor fod Robeco wedi cael ei benodi i ddarparu'r Gwasanaeth Pleidleisio ac Ymgysylltu'r Bartneriaeth ym mis Mawrth 2020. Wedi iddo gael ei fabwysiadu gan y Cydbwyllgor, byddai modd datblygu polisi pleidleisio Robeco a'i deilwra'n benodol i'r PPC a'i Awdurdodau Cyfansoddol dros y 12 mis nesaf.

Mewn ymateb i ymholiad am wrthdaro posib gyda rhybuddion pleidleisio LAPFF, cynghorwyd yr Aelodau fod yr is-grŵp BC wedi nodi'r potensial am wrthdaro mewn amgylchiadau cyfyng iawn ac y byddai Robeco yn dwyn unrhyw wahaniaethau i sylw'r PPC.

**PENDERFYNWYD cymeradwyo'r Polisi Pleidleisio.**

### **10. CYNRYCHIOLAETH AELODAU'R CYNLLUN**



Ystyriodd y Cydbwyllgor adroddiad ar Gynrychiolaeth Aelodau'r Cynllun. Hysbyswyd y Cydbwyllgor ei fod yn gydbwyllgor oedd wedi'i gyfansoddi dan Ddeddf Llywodraeth Leol 1972 ac felly ni allai Cynrychiolwyr Aelodau ond ymuno â'r Cydbwyllgor fel Aelodau Cyfetholedig heb yr hawl i bleidleisio. Er mwyn i hyn fedru digwydd, byddai angen addasu'r Cytundeb Rhwng Awdurdodau (IAA) a byddai angen mynd â'r addasiadau i bob un o'r wyth awdurdod cyfansoddol am gymeradwyaeth. Byddai'r GS yn medru paratoi manylion y person a'r broses ddethol i sicrhau bod gan y person enwebedig y wybodaeth a'r profiad priodol i ymgymryd â'r rôl.

#### **PENDERFYNWYD**

- 10.1. Cymeradwyo bod darpariaeth ar gyfer cynrychiolydd aelod o gynllun y bwrdd pensiwn (heb bleidlais) ar y Cydbwyllgor Llywodraethu (CBLI);**
- 10.2. Cymeradwyo gofyn i bob Awdurdod Cyfansoddol gadarnhau cynnwys cynrychiolydd aelodau cyfetholedig ar y CBLI ac y gwneir y diwygiadau angenrheidiol i'r Cytundeb Rhwng Awdurdodau (IAA);**
- 10.3. Cytuno bod yr GS yn paratoi manyleb person a phroses ddethol i'w cyflwyno i gyfarfod o'r CBLI yn y dyfodol i'w cymeradwy'n ffurfiol.**

#### **11. DIWEDDARIAD GAN Y GWEITHREDWR**

Derbyniodd y Cydbwyllgor gyflwyniad ar gynnydd Partneriaeth Pensiynau Cymru yn y meysydd allweddol a ganlyn:

- Daliannau Presennol y Gronfa;
- Y Cynnydd ar Lansio Cronfeydd;
- Ymgysylltu Corfforaethol a Rhannu'r Wybodaeth Ddiweddaraf

Nododd y Cydbwyllgor fod lansiad yr Is-grŵp Incwm Sefydlog wedi'i gwblhau. O ran yr is-gronfa Marchnadoedd Datblygol, disgwyliwyd i'r dyddiad lansio gael ei ohirio tan fis Gorffennaf 2021 yn sgil gwaith manwl gan y *Depositary* ar y model troshaen carbon.

#### **PENDERFYNWYD derbyn Diweddariad y Gweithredwr.**

#### **12. ADRODDIADAU PERFFORMIAD AR 30 MEDI 2020**

Cafodd y Cydbwyllgor gyflwyniad ar yr Adroddiadau Perfformiad fel ar 30 Medi 2020. Nodwyd cywiriad i'r Crynodeb Gweithredol cyhoeddedig (t.112-113), oedd yn dangos tanberfformiad i Gronfa Cyfleoedd y DU. Dylid tynnu'r cromfachau o amgylch y ffigwr Gwarged Adenillion, oedd yn arwain at berfformiad gwell o 1.33% gros a 0.95% net.

Roedd is-gronfeydd eraill wedi perfformio'n well / perfformio'n waeth na'u meincnodau, fel a ganlyn:

- Roedd Cyfleoedd Byd-eang wedi perfformio 0.43% gros / 0.06% net yn well na'r meincnod;
- Roedd Twf Byd-eang wedi perfformio 0.22% (gros) yn well na'r meincnod / 0.22% yn waeth na'r meincnod;



- Bondiau Llywodraeth Byd-eang wedi perfformio 0.33% gros / 0.30% net yn waeth na'r meincnod;
- Roedd Credyd Byd-eang wedi perfformio 0.01% gros / 0.03% net yn waeth na'r meincnod;
- Roedd Credyd Aml-ased wedi perfformio 0.77% gros / 0.83% net yn waeth na'r meincnod;
- Roedd Credyd y DU wedi perfformio 2.77% gros / 2.79% net yn waeth na'r meincnod;

**PENDERFYNWYD cymeradwyo Adroddiadau Perfformiad yr is-gronfeydd a ganlyn fel ar 30 Medi 2020:**

- 12.1. Cronfa Ecwiti Cyfleoedd Byd-eang;
- 12.2. Cronfa Twf Byd-eang;
- 12.3. Cronfa Cyfleoedd Ecwiti'r DU;
- 12.4. Cronfa Bondiau Llywodraeth Byd-Eang;
- 12.5. Cronfa Credyd Byd-Eang;
- 12.6. Cronfa Credyd Aml-ased;
- 12.7. Cronfa Credyd y DU.

### 13. GORCHYMYN I'R CYHOEDD ADAEL Y CYFARFOD

**PENDERFYNWYD**, yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywiad) (Cymru) 2007, gwahardd y cyhoedd o'r cyfarfod yn ystod ystyried yr eitem a ganlyn gan fod yr adroddiadau yn cynnwys gwybodaeth eithriedig, fel y'i diffiniwyd ym mharagraff 14, Rhan 4, Atodlen 12A o'r Ddeddf.

### 14. ADOLYGIAD BENTHYCA GWARANNAU BYD-EANG HYD AT 30 MEDI 2020

Ar sail prawf budd y cyhoedd, **PENDERFYNWYD**, yn unol â'r Ddeddf y cyfeirir ati yng Nghofnod 13 uchod, y dylid ystyried y mater hwn yn breifat gan wahardd y cyhoedd o'r cyfarfod, gan y byddai datgelu'r wybodaeth yn debygol o achosi niwed i Bartneriaeth Pensiynau Cymru drwy amharu ar drafodaethau.

Cyflwynwyd adroddiad i'r Cydbwyllgor ar Fenthyca Gwarannau Byd-eang.

**PENDERFYNWYD** nodi'r Adolygiad Benthycia Gwarannau Byd-eang fel ar 30 Medi 2020.

### 15. DARPARWR GWASANAETHAU CYFREITHIOL

Ar sail prawf budd y cyhoedd, **PENDERFYNWYD**, yn unol â'r Ddeddf y cyfeirir ati yng Nghofnod 13 uchod, y dylid ystyried y mater hwn yn breifat gan wahardd y cyhoedd o'r cyfarfod, gan y byddai datgelu'r wybodaeth yn debygol o achosi niwed i Bartneriaeth Pensiynau Cymru drwy danseilio'r broses gaffael cyn i'r contract gael ei gyflwyno'n ffurfiol ar ôl y cyfnod segur statudol.

Cyflwynwyd adroddiad i'r Cydbwyllgor ar y Contract Ymgynghorydd Cyfreithiol.



**PENDERFYNWYD** penodi bidiwr 1 fel y bidiwr dewisol ar gyfer Darparwr Gwasanaethau Cyfreithiol Partneriaethau Pensiwn Cymru, yn amodol ar gwblhau'r cyfnod segur a chwblhau'n derfynol y Contract Darparwr Gwasanaethau Cyfreithiol.

**16. ADRODDIAD DADANSODDIAD ÔL-BONTIO - INCWM SEFYDLOG**

Ar sail prawf budd y cyhoedd, **PENDERFYNWYD**, yn unol â'r Ddeddf y cyfeirir ati yng Nghofnod 13 uchod, y dylid ystyried y mater hwn yn breifat gan wahardd y cyhoedd o'r cyfarfod, gan y byddai datgelu'r wybodaeth yn debygol o achosi niwed i Bartneriaeth Pensiynau Cymru drwy danseilio sefyllfa fasnachol rheolwyr cronfeydd.

Ystyriodd y Cydbwyllgor adroddiad ar Ôl-bontio Masnach Incwm Sefydlog.

**PENDERFYNWYD** derbyn Adroddiad Ôl-bontio Incwm Sefydlog.

---

**CADEIRYDD**

---

**DYDDIAD**

